

本书出版得到国家古籍整理出版专项经费资助

清代吏治史料

綫裝書局

官员管理史料 五一

清代吏治史料

线装书局



吏科掌印給事中協辦正黃旗漢軍旗分事務兼副佐領降一級留任紀
錄二次臣赫碩色等謹

題爲摘叅赴任違限官員事該臣等查得違限一個月以上者安徽安慶府
訓導汪秋實山東武定府海豐縣訓導劉燠山西大同府大同縣聚樂驛
驛丞陳銘甘肅階州學正原受中文縣教諭李生榮湖北武昌府武昌縣
試縣丞李興祖咸寧縣訓導李企緒湖南辰州府溆浦縣試教諭王宜聖
浙江紹興府山陰縣縣丞楊嗣琬處州府雲和縣訓導鄭爾潮江西吉安
府教授陳九韶廬陵縣教諭謝越永新縣上坪寨巡檢陸露建昌府新城
縣教諭廖應梓福建漳州府試通判張嘉誠平和縣漳汀巡檢朱紹聖廣
東廣州府順德縣典史王俊臣韶州府樂昌縣九峯司巡檢朱啓然潮州
府大埔縣知縣胡文彥雷州府海康縣典史吳鴻璽州府廣豐倉試大使
祝以松廣西平樂府荔浦縣知縣卓曷典史陶潛潯州府司獄李世勳四
州資州內江縣典史陸雲生違限兩個月以上者山東濟南府商和縣試

典史沈魯安青州府安邱縣典史毛宗樞曹州曹縣典史劉文俊河南河南府洛陽縣訓導馮日燦甘肅平涼府涇州无雲驛驛丞方式會慶陽府教授吳郡湖北鄖陽府竹山縣訓導戴起俊福建漳州府南靖縣永豐試巡檢王心棠泉州府同安縣灌口巡檢潘紹顯廣東雷州府同知潘起龍瓊州府會同縣試典史全國寧德慶州悅城鄉試巡檢向珏四川夔州府梁山縣典史張培先邛州火井漕巡檢顧啓文雲南安寧州試吏目王禮遠限三個月以上者廣東雷州府遂溪縣港川司巡檢方載揚廣西桂林府臨桂縣蘆田市巡檢陳大焯四川雅州府名山縣典史傅時綬

上遠限各官相應照例

題恭伏乞

皇上睿鑒

勅部察施行臣等未敢擅便謹

題請

旨雍正十二年十二月十九日題本月二十一日奉

旨這所叅到任遲延各官其違限不及三月者從寬免其叅議
該部知道

巡撫四川等處地方提督軍務都察院右副都御史紀錄四
臣鄂昌謹

題爲稟報事該臣看得盜犯陳經世係行劫巴州民間公昇家經臣審擬斬決具

題發回該州監禁候部覆正法之犯先據巴州詳報該犯陳經世與同案夥盜張修文於雍正十二年九月初一日夜越獄脫逃即於初六日在南江縣拿獲張修文訊據供稱該犯與陳經世在監囚於木籠於初一日五更時扭脫扭鎖頂開木籠踰牆割壁由女監越出等情又據保寧府申據巴州稟報於十月初五日在州屬平倉地方已將陳經世拏拿等情轉報到臣隨檄司嚴查審究並取疎獄職名送叅去後茲據按察司高維新行據保寧府知府胡增權查明陳經世一犯並未弋獲先經該州差役蹤知陳經世在平倉地方借宿跟踪至彼該犯又復潛匿該州遽捏報已獲明係計饒處分將疎獄各官及該州捏報職名詳揭請叅前來臣查陳經世係

擬斬決之重犯如果嚴加扭鎖囚禁木籠安能解鎖破籠踰牆越出若非禁卒人等受財故縱則係提牢官吏防守有疎似此玩縱重囚大干嚴例所當

題參請

旨將管獄官巴州吏目朱允翼革職拿問以便與禁卒人等一併究擬至巴州知州王曰忠係專管印官既已疎脫於前後敢捏稟於後溺職殊甚並請將該州王曰忠革職離任照例留川限年協緝所有該管保寧府知府胡增耀按察使高維新並臣鄂昌督臣黃廷桂俱例有處分相應一併開列報參再查該府胡增耀在省辦理錢局事務實係因公出境合併陳明統聽部議除行司委員摘取巴州印信署理將吏目朱允翼革禁並通飭各屬勒限嚴拏陳經世務獲外臣謹合詞具

題伏祈

皇上勅部議覆施行謹題請

旨雍正十二年十一月三十日題十二月二十一日奉

旨這所叅朱允翼著草職拏問其玩縱獄囚情由及禁卒人等該督一併究擬
具奏王曰忠著草職留川協緝餘著察議具奏該部知道

太子少保兵部尚書兼都察院右副都御史總督直隸兼巡撫地方紫荆密雲等關隘提督軍務兼理糧餉加十級紀錄十七次又軍功紀錄一次駐劄保定府臣李衛謹

題爲協府朋比等事竊有山永協副將師應舉人材弓馬均屬可觀不明大體見利忘義初猶劣蹟未著自上年冬間宣化府馬益調補永平府師應舉因與馬益同鄉往來親密借地方官之助勢得以恐嚇婪賍牽引旗民教誘馬益或投拜門生或暗通賄賂馬益利令智昏隨其術中而相交結聲名狼籍臣訪察各款俱有實據臚列爲

皇上陳之一撫寧縣僧隆喜寓留婦人在廟行姦縣捕許啟等拏獲縣書屬實隆喜之甥武生任姓同府刑房馬書辦快手王亞賢商之永協傳號何起貴用銀五百兩求師應舉說情應舉得銀轉囑馬益臨審嚴夾縣捕勒供詐贓換罪濫僧漏網一豐潤縣貢生陳觀控告劉沛典地指贖滾利盤弄馬益以陳觀誣告詳請反坐陳觀用銀六百四十兩求師應舉轉送馬

益銀四百兩應舉自得銀二百四十兩遂爲翻案陳觀可審一師應舉與莊頭李成勳李茂勳等結爲兄弟交銀一千五百兩分寄三處當舖逐月收利又串引各出重贄投拜馬益爲門生師應舉赴李茂勳家弔喪住宿數日索看女戲物議沸騰一馬益將舊有金玉首飾所值不過數十金向本城郭朝英等典鋪勒當銀三百兩郭朝英可審又馬益不顧

功令勒索各屬規禮糧食土儀恬不爲怪此二官者文武通同狼狽作奸顛倒是營私婪賄斷難姑容並准署直隸提臣路振揚移揭復據布政使王篆等各揭報前來與臣訪聞無異所當特疏糾叅請

旨將師應舉馬益革職嚴審究擬除照例摘印看守分委署理候旨欽遵外謹

題請

旨雍正十二年十二月十六日題本月二十一日奉

旨這所叅師應舉馬益俱著革職其營私婪賄等情及本內有名人犯該督一併嚴審究擬具奏該部知道

吏科等科吏科掌印給事中協辦正黃旗漢軍旗分事務兼副佐領降一級留任紀錄二次臣赫碩色等謹

題爲遵

旨稽查各省難結事件事臣等查得先經吏部議覆戶部貴州司郎中沈青崖條奏各省難結事件嗣後咨部展限時一併報明科道事結後題覆本內聲明註銷科道於歲底分別彙奏其有久不題覆又不展限者即行查明題奏等因具題奉

旨依議欽遵通行在案今雍正十二年分據各省督撫造具已未完事件清冊陸續移送前來臣等將各省送到清冊按季查核除已經咨明完結事件不開外查各省難結事件內山東省未完四件浙江省未完六件湖廣省未完三件福建省未完三件廣東省未完三十件雲南省未完二件總河未完六件以上山東等省冊報未完事共五十四件又上年未完事共四百五十一件內完過三百三十七件仍未完一百一十四件 查本年

分并上年分未完事共一百六十八件俱經咨明展限在案應俟次年一併查明具

題可也爲此謹具奏

閏雍正十二年十二月十九日題本月二十一日奉
旨知道了該部知道

總督湖北等處地方軍務兼理糧餉兵部尚書兼都察院右副都御史加
二級紀錄十八次降二級留任臣邁柱謹

奏爲恭謝

天恩事竊惟賭博之具未盡除則賭博之風未盡息臣不能感化於未經造賣
之先僅能查究於既經造賣之後方深負疚無以即安前因湘鄉縣民孫
大私造賭具即行拏獲經署湖南撫臣鍾保審擬會

題奏

旨邁柱鍾保俱著紀錄二次仰荷

天恩至深至渥以臣職分應爲之事屢邀

聖明格外之施感激難名惶悚彌切惟有備加化導火竭涓埃之報耳謹恭疏
奏

聞雍正十二年十一月二十九日奏十二月二十一日奉

旨該部知道

吏部尚書署理陝西總督印務并辦理軍需事件臣
奏爲恭謝

天恩事竊臣質本庸愚督催乏術前奉

簡命署理直隸總督事務因督催東光縣叅革知縣董翰芳名下虧空侵欺銀

兩一案限滿未完部議將臣照督催不力例於見任內罰俸三箇月處分

允常乃蒙

聖恩優渥

特予寬免聞

命之下彌切悚惶惟有勉竭駑駘益加警惕於地方一切事宜勤慎辦理以圖

仰報

聖主鴻恩於萬一耳所有臣感激微忱理合恭疏

奏謝伏祈

皇上睿鑒施行謹具奏

聞雍正十二年十一月二十一日奏十二月二十一日奉
旨該部知道

巡撫山東等處地方督理營田兼理軍務都察院右副都御史降三級俸
侍臣岳瀟謹

題爲報明丁憂事該臣看得兗州府管糧通判鄒程鳳親母周氏於雍正十二年八月十五日在籍病故該員於雍正十二年十月初五日在任聞訃並無過繼例應丁憂據布政使鄭禪寶查明取有原籍印結呈詳前來除印結送部外會同河東總督臣王士俊合詞具

題伏乞

皇上敕部議覆施行謹會

題請

首雍正十二年十二月十三日題本月二十一日奉

旨吏部知道

管理兩淮鹽政布政使紀錄一次降一級留任又降一級臣高斌謹

題爲題明事竊照兩淮引鹽運行四省有司均有向例鹽臣任滿將屬員無可薦可劾之處具

題茲行據江南江西湖廣河南四省司道并兩淮運司各造冊到臣除江南省現在舉行

大計所屬官員應聽督臣趙弘恩撫臣高其倬會覈糾舉外所有鹽屬各場員已未完折價等項錢糧及地方各官銷引完欠均於

奏銷錢糧鹽引各案內分別具

題聽候部議在案至鹽屬各官賢否容臣不時查察有可薦可劾之處另行具

題今癸丑一綱事竣合先簡例

題明臣謹會同兩江總督總理兩淮鹽政臣趙弘恩合詞具

題伏乞